

Ministarstvo unutrašnjih poslova Kantona Sarajevo, ulica La Benevolencija broj 16, koje zastupa ministar, Admir Katica, (u daljem tekstu Kupac)

i

„Digitarija“ d.o.o. SARAJEVO, ul. Zmaja od Bosne 14c, ID broj 4201551320006, koje zastupa direktor, Rašid Pilav, (u daljem tekstu: Dobavljač)

zaključili su:

## **UGOVOR O NABAVCI stalnih sredstava u obliku prava**

### **PREDMET UGOVORA**

#### **Član 1.**

Predmet ugovora je nabavka stalnih sredstava u obliku prava, po provedenom otvorenom postupku, na osnovu obavještenja o nabavci broj 1364-1-1-58-3-36/26 od 23.03.2026. godine i Odluke o izboru ponuđača broj 04-1-11-4-820-4 od 21.04.2026. godine, a u skladu sa uslovima iz tenderske dokumentacije, ponudom dobavljača, broj 0071/26 od 14.04.2026. godine i Izvještajem o toku i završetku e-aukcije.

### **VRIJEDNOST I ROK ISPORUKE**

#### **Član 2.**

Vrijednost predmetne nabavke sa PDV-om iz člana 1., iznosi: 24.853,14 KM. (dvadesetčetirihiljadeosamstotinapetesettri i 14/100 KM sa PDV-om).

Dobavljač se obavezuje da cijene iz Ponude neće mijenjati do isteka ovog ugovora.

#### **Član 3.**

Dobavljač se obavezuje da ugovorenu isporuku izvrši u roku do 30 dana od dana obostranog potpisivanja ugovora i prijema narudžbe.

#### **Član 4.**

Reklamacije na kvalitet Kupac može uložiti pismenim putem u roku od 8 dana od dana isporuke ugovorene opreme. Dobavljač se obavezuje da će reklamaciju na kvalitet riješiti u roku od 3 dana.

Garancija za isporučenu opremu iz Obrasca za cijenu ponude je u skladu sa Microsoft pravilima licenciranja i podrške.

#### **Član 5.**

Dobavljač je dužan u roku od deset (10) dana od dana zaključivanja Ugovora, dostaviti garanciju za uredno izvršenje ugovora, u obliku bezuslovne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora sa rokom važnosti: rok izvršenja ugovornih obaveza + 30 dana.

### **NAČIN PLAĆANJA**

#### **Član 6.**

Plaćanje se vrši u roku od trideset (30) dana od dana dostavljanja fakture.

## RJEŠAVANJE SPOROVA

### Član 7.

Ukoliko poslije zaključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u Ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

### Član 8.

Dobavljač se obavezuje da nema pravo da zapošljava, u svrhu izvršenja ugovora o javnoj nabavi, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala komisija za nabavke, najmanje šest mjeseci po zaključenju ugovora, odnosno od početka realizacije ugovora.

### Član 9.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

## ZAVRŠNE ODREDBE

### Član 10.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

### Član 11.

Ugovor stupa na snagu danom potpisivanja ovlaštenih predstavnika i traje do konačne realizacije ugovora.

**DOBAVLJAČ**  
**"DIGITALARIJA" d.o.o. SARAJEVO**  
  
Direktor Rašid Pilav  
Broj: 06-2505/26-14

Datum: 25.05.2026,

  
**KUPAC**  
**MINISTARSTVO UNUTRAŠNJIH**  
**POSLOVA KANTON SARAJEVO**  
ministar Admir Katica  
Broj: 04-1-11-4-820-6/26

Datum: 13.05.2026. godine